

**Pisortanit ikiorsiissutit pillugit Inatsisartut inatsisissaatut nr. xx, uu.qqqq.
2006-imeersussatut siunnersuummut**

Allannguutissatut siunnersuut

Aappassaaneerinninnermut Naalackersuisunit saqqummiunneqartoq.

§ 13-imut

1. Imm. 3, ima oqaasertalerneqassaaq:

"Aningaasartuutiviusut tunngavigalugit kiisalu najugaqatigiissinnaanermi iluaqutissat aallaavigalugit aningaasat aalajangersarneqassapput. Pilersuinnermut aningaasartuutinullu aalajangersimasunut pisortanit ikiorsiissutit annerpaamik SIK-p Naalackersuisullu akornanni isumaqatigiissutit naapertorlugit ilinniarsimanngitsumut aningaasarsiarititat ikinnerpaaffiisa 65%-erisinnaavaat, taamaattorli imm. 4 takuuk."

2. § 01 sioqqullugu qulequtaq ima oqaasertalerneqassaaq:

"Napparsimasunut kaasarfimmiussisutit"

3. § 23-p kingorna paragrafitut nutaatut ikkunneqassaaq:

" **§ 01.** Pisortanit ikiorsiissutit napparsimasunut Nunatsinni Danmarkimillu napparsimmavinni uninngasunut kaasarfimmiussisutitut tunniunneqarsinnaapput. *Imm. 2.* Napparsimasut Nunatsinni Danmarkimilu uninngasut kaasarfimmiussaannik pisortanik ikiorsiisoqarsinnaanerannut malittarisassanik Naalackersuisut aalajangersaasinnaapput."

§ 27-mut

4. § 27, imm. 1, ima oqaasertalerneqassaaq:

" **§ 27.** Aammattaaq kommunalbestyrelse pisortanit ikiorsiissutit utertinneqarnissaat pillugu aalajangiislinnaavoq:

- 1) Inuup aningaasaqarnikkut sulinikkulluunniit mianersuaalliorluni iliuuseqarnera pissutigalugu pineqartoq ikiorneqartariaqarpat.
- 2) Piffissami pisortanit ikiorsiissutisinissamik qinnuteqarfiusumi

takuneqarsinnaappat qinnuteqartoq piffissap sivikitsup ingerlanerani pisortanit ikiorsiissutinik utertisisinnaasoq."

§ 31-mut

5. § 31, imm. 1, ima oqaasertalerneqassaaq:

" § 31. Inatsisartut peqqussutaat 1. april 2007-imi atuutilerpoq."

Nalinginnaasumik nassuiaatit

Allannguutissatut siunnersuut allannguutinik pingaarnertut siunnersuutip Inatsisartuni siullermeerneqarnerata kingorna Ilaqutariinnermut Ataatsimiititaliap isumaliutissiissutaanik tunngavilinnik imaqarpoq.

Tamatuma saniatigut allannguutissatut siunnersuummi napparsimasunut Nunatsinni Danmarkimilu napparsimmavinni uninngasunut pisortanit ikiorsiissuteqarnissamut tunngavissiisoqarpoq.

Aalajangersakkanut ataasiakkaanut nassuiaatit

§ 5-imut

Aalajangersagaq peqqussummi pineqartumi § 4-mut naapertuuppoq.

Imm. 1-imut

Aappariinneq pillugu inatsit meeqqalluunniit inatsisitigut illersugaanerat pillugu inatsit naapertorlugu pisartagallip piumasaqaataanut pisortat ilanngussinnaanerat aalajangersakkami periarfissiuunneqarpoq. Pisortanit ikiorsiinnermi pisortat pisartagalimmut pilersuilissapput taamaalillutillu aningaasanik pisartagallip pilersorneqarnermini tigusimasaanik utertisisoqarnissaanik piumasaqarsinnaallutik. Pisortat piumasaqaatinut ilanngunnermikkut akilersuisussaataasut aningaasanik naapertuutinngitsumik atuinissaat pinngitsoortissinnaavaat.

Imm. 2-mut

Imm. 2 naapertorlugu pisortat akilersuutit aalajangersarneqarnissaannik qaffanneqarnissaannilluunniit namminneq piumasaqarsinnaatitaapput. Taamatut pisinnaatitaaneq pisariaqarpoq, pisortat inunnut pilersuisussaataasumit pilersorneqartussaagaluartunut pisortanit ikiorsiinnginnissaat qularnaarniarlugu. Taamaattumik akilersuutit aalajangersarneqarnissaannik qaffanneqarnissaannilluunniit nammineq piumasaqarsinnaatitaaneq pisariaqarpoq akilersuisussaataasooq piaaraluni akilersuutissat aalajangersarneqarnissaat

qaffanneqarnissaalluunniit piumasarinngippagu aalajangersakkap imm. 1-imiittup imarisai qularnaarniarlugit.

§ 13, imm. 3-mut

Paragrafimi innersuussut eqqortuutikkumallugu allannguisoqarpoq.

§ 01-immut

Napparsimasut inatsisitigut illersorneqarnissaat pillugu erseqqissunik malittarisassaqtitsiumalluni aalajangersagaq ilanngunneqarpoq.

Imm. 1-immut

Napparsimasunut Nunatsinni Danmarkimilu napparsimmavinni uninngasunut kaasarfimmiussissutitut pisortanit ikiorsiinissaq aalajangersakkakut tassuuna periarfissinneqarpoq. Tamanna pillugu napparsimasunut Nunatsinni Danmarkimilu napparsimmavinni uninngasunut kaasarfimmiuliisarneq pillugu Ilaqutariinnermut Pisortaqarfiup kaajallaasitaani nr. 214-imi, kiisalu napparsimasunut Nunatsinni napparsimmavinni uninngasunut kaasarfimmiussissutinik qinnuteqartarneq tunniussisarnerlu pillugit Ilaqutariinnermut Pisortaqarfiup kaajallaasitaani nr. 222-mi malittarisassaqtitsisoqareerpoq. Taamaalluni aalajangersakkami taamaallaat pisortanit ikiorsiissutit atorneqarnissaat pillugu malittarisassat atuutereersut tunngavilerneqassapput.

Imm. 2-mut

Aalajangersakkami Naalackersuisut napparsimasunut Nunatsinni Danmarkimilu napparsimmavinni uninngasunut kaasarfimmiussissutitut pisortanit ikiorsiisarneq pillugu malittarisassanik aalajangersaanissaannik pisussaaffilerneqarput. Malittarisassat pisortanit ikiorsiissutit pillugit nalunaarummi atuutilersinneqassapput kiisalu kaajallaasitani malittarisassat atuutereersut nalunaarutip atuutilerneratigut atorunnaartussat iluarsissallugit. Napparsimasunut napparsimmavinni uninngasunut kaasarfimmiussiisarnissaq pillugu kaajallaasitani atuuttuni pinnani nalunaarummi malittarisassaqtitsinerup malittarisassat atuuttut erseqqissarneqarnissaat nassatarissavaa. Nalunaarutip pisartagaqarsinnaasut inatsisitigut pitsaanerumik illersorneqarnissaat kiisalu kommunini sullissisut sulinerminni malittarisassanik atuinissaasa pisariillisarneqarnissaa kingunerissavaa.

§ 27-mut

Imm. 1-immut

Aammattaaq kommunalbestyrelsip qaqugukkut pisortanit ikiorsiissutit utertinneqarnissaannik piumasaqarsinnaanerata erseqqissarneqarnissaa siunnersuutigineqarpoq. Aalajangersakkami kommunalbestyrelsip ikiorsiissutit utertinneqarnissaannik aalajangiisinnaaffii kisiisa taagorneqarput.

Nr. 1-imut

Pisortanit ikiorsiissutisisoq assersuutigalugu akissarsiarpassuarminik piffissap sivikitsuinnaap ingerlanerani atuippat, akissarsiallu isumatusaartumik atuinikkut sivisunerusumik pigineqarsinnaasimagaluarpata, ass. aalisartoq sapaatit akunnerini tallimani matussutaasussanik akissarsilluni sapaatit akunnerini tallimani sulinngiffeqarpat, pineqartullu piffissaq sulinngiffeqarfini tamaat akissarsiaminik paarsisinnaanngippat, imaluunniit inuk uternissaminut billetisiutissaminik aningaasanik naammattunik peqarani kommunimut allamut sulinngiffeqarluni aallarpat pisortanit ikiorsiissutisisoq aningaasaqarnikkut mianersuaalliorsimassaaq.

Pisortanit ikiorsiissutisisoq ass. sulinikkut mianersuaalliorsimassaaq, pineqartoq pissutissaqarani sulinngitsoorluni aalakoorniluunniit suliarlorluni soraarsitaappat.

Nr. 2-mut

Aammattaaq pisortanit ikiorsiissutisisoq piffissap sivikitsup ingerlanerani ikiorsiissutinik nammineerluni utertitsisinnaanngorsinnaappat utertitassanngorlugit pisortanit ikiorsiissutinik tunniussisoqarsinnaavoq. Piffissaq sivikitsoq tassaavoq qaammammit sivikinnerusoq. Pisortanit ikiorsiissutit utertitassanngorlugit tunniunneqartarnissaat isumaanngilaq.

Kommunalbestyrelsip aningaasat utertinneqassanersut naliliinermini pisortanit ikiorsiissutisisup taassumalu ilaqutaasa siunissami aningaasaqarnerminnik iluarsiinissamut periarfissaat eqqarsaatigissavai. Aammattaaq pineqartoq siusinnerusukkut mianersuaalliorsimanersoq kiisalu mianersuaalliorneq taanna utoqqatsissutissaqarnersoq kommunalbestyrelsip misissussavaa. Ass. pisortanit ikiorsiissutisisoq ilaqutariinni napparsimasoqarnera pissutigalugu suliar tunngitsoorsimanersoq.

§ 31-mut

Peqqussutip 1. april 2007-imi atuutilernissaa siunnersuutigineqarpoq.